

醫藥叢書
第一集
周氏
易簡方
合刻全

中華民國五年冬月鐫版定價每冊

角四

周氏易簡方
集驗方
合刻全

紹興醫藥學報社發行

讀醫藥學報於中國岐黃家言兼綜條
貫所刊叢書亦多醫林祕籍自頃中醫
日竄歐化東漸物競爭存駸駸有喧奪
之勢作者軒中輕西期以保存國粹意
甚盛也然欲攻人之短必先知人之長
欲伸已之長亦必知己之短吾國醫學

軒岐而後仲聖實集大成然傷寒金匱
兩書章次凌亂已非原書泥古之失豪
釐千里宋元學者門戶分歧溫補清涼
有如聚訟承學之士靡所適從且六淫
之氣與時變遷今病古方不無鑿柄古
之名醫多自採藥後漢韓康賣藥長安

市中所謂賣藥者卽爲人治病前清乾隆中葉吳門葉天士薛生白猶自市藥今世藥品取諸一閩之市審別不確炮製失宜方是藥非誤人尤甚凡此數端皆中醫所短不能自諱其本無學術託此罔利者又無論矣西醫以解剖爲實

驗臟腑部位已較中國古書爲確分化
藥品精益求精不似吾國藥肆之草草
從前以中西體質不同猶多扞格近日
體驗益真成效大著且多以中國藥品
別爲炮製知西方學者於吾國本草諸
書已極研究吾國學者倘未能深窺彼

之堂奧而徒欲抑人伸已恐西醫竊笑
其後也今欲保存舊學唯有舉吾國歷
驗不爽之舊說參以新理融會貫通其
卮言駢枝概從摒棄庶與西醫驟靳并
行不致爲天演所淘汰若遽欲拔趙幟
立漢幟竊恐無是事也作者宜勉之

河間馮國璋序

行不廷爲天黃西國太普錄於對戲
司言機妹聯從辨棄和與西醫勉神共
其對也今裕附并舊學却育舉吾國想
以堂與而我裕附人特曰恐西醫錄笑

版藏紹
興裘氏

中華兒國正平冬月識淵安賈其冊

紹興醫藥學時垣齋

醫藥叢書第一集序

以藝術重當世著方書兮流傳上自三代君相下至草野布衣代有其人相沿不絕者儒家之外醫林爲巨擘焉國家多故干戈迭乘世變滄桑難免湮沒或則錯簡脫落或則附會贅疣名重之書價昂而寒素者未易力辦布衣之著名微而徵集者尤多踈忽故書雖汗牛充棟而欲其集大成也難矣曩者越郡吉生裘君與諸同志創辦醫藥學報于紹興公餘之暇每嘆中國醫藥學之荒蕪大都由于醫藥學書之散失而孤本秘著之鮮見者尤難徵集于一時因下詢全國醫藥界籌妥善辦法爲維持久計苦心孤詣可謂至矣乃論者紛紛終難著手謬因提倡公司之說爲實力實行之基礎裘君不以落落爲妄竟首先發起爲衆所難半載以茲效果昭然雖投股者因循觀望而醫藥叢書第一集已誕生于世界矣自後熱心志士紛紛投股踴躍爭先而叢書之出亦由一集而二三集十集百集以至千萬集凡屬醫藥之書莫不匯集且定價低廉便于拆

購無價昂之虞免難求之憾有力者購全之可爲醫中博士無力者擇購數種亦可爲應世良醫一舉而數善備詎非大快事乎此謬之所以敢爲世告而樂爲序端其首云

醫藥叢書第一集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑
一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望
一是書無論統購全集或指購單種除預約半價外照定價均無折扣但書業報社代售者另議

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻刻

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書目莫氏研經言羅氏治驗案吳氏醫案惜分陰軒醫案皆續刻外爲市隱廬醫學襍著李冠仙知醫必辨幅頁加增定價照前並仍准預約五十部郵費一角六分書價對折作八角限滿截止

周氏易簡方集驗方合刊序

古今中外方書夥矣吾國自鷄矢醴數方傳於內經已具醫方之雛形至仲景祖述一百十三方以治傷寒雜病則方學興於是千金也外台也咸以蒐輯羣方從事洎夫太平聖惠方惠民和濟局方聖濟總錄攝生衆妙方等出一書採至萬方或數千方者可謂集方之大成矣私家小冊尤難枚舉其最流行者莫如驗方新編幾於家置一編然欲求其輕而易舉使人人力所能及並徵諸衆驗使方方投無不效者尠也美之洪士提反萬國藥方日之恩田重信醫方一萬集胥同病也無錫周莘農先生有集驗方易簡方二書刊行其集驗方多採諸家經驗能使方方投無不效其易簡方都爲貧者着想能使人人力所能及又經哲嗣伯華君編次門類俾易於索檢元以同社得蒙其見贈而讀之會同人有流通醫藥書籍之謀先刻醫藥叢書因見二書之足以利濟貧病請合刻於叢書第一集中又蒙見許則賢喬梓同具一片婆心有令人欽佩不已也

[illegible]

乙巳選輯衛生易簡方庚戌續刊周氏集驗方原屬與人方便詎以得之太易
不甚重視置良方於高閣殊非刊贈之本旨噫前賢實驗國粹堪珍千金有方
失傳可惜今與 紹興醫學會社裘君吉生商定二集合刊廉價出售藉爲傳
世行遠起見應誌緣由於此

中華民國五年丙辰春月

無錫周憬識於惜分陰軒

衛生易簡方序

許詹宗曰藥之於病有正相當者止須一味藥力既純病卽立愈此單方之所由來也溯自東晉范汪東陽方後歷唐宋元明以迄我

朝屢有驗方傳世顧卷帙浩繁每苦難以檢索余素好岐黃課讀之暇曾亦涉

獵及之祇以質本驚鈍又因飢驅奔走四方忽忽餘載未能得其要領癸卯

秋來游滬上獲交周君小農傾蓋相交遂成莫逆小農別署伯崙爲錫山張聿

青先生高足潛心力學深得岐黃奧旨甲辰夏以毛世洪先生經驗集見贈集

後附刊急救方受而讀之已欽其用心之細好善之誠乙巳夏復出其尊甫華

農先生平日所錄以濟人確有經驗者彙成一集分列八門末附戒烟少飲節

慾諸條顏曰衛生易簡方將梓而行世間序於余披閱一過見其條分縷晰意

簡言賅聞附評註亦復精切洵衛生之至寶簡便易行窮鄉僻壤之間苟能家

置一編審病檢方獲益豈淺鮮哉卽間有貴重之品爲急救所必需尤望